

隄堰
關隘
津梁
城址
第宅

廣東考古輯要三

廣東攷古輯要卷九

堤堰

廣州府



六脈渠 南海縣一草行頭至大市通大古渠水出南濠一淨
慧寺街至觀堂巷擢甲里新店街合同場番塔街通大古渠
水出南濠一光孝寺街至詩書街通仁王寺前大古渠水出
南濠一大鈞市至鹽倉街及小市至鹽步門通大古渠一按
察司至清風橋水出橋下一子城城內出府學前泮池六脈
通而城中無水患按明東莞譚清海建議謂西一脈水遶坡
山由南濠尾穿西關而出東一脈水遶軍局萬里橋合貢院
前水由天關而出小南一脈水遶何塘背由文溪至府學前
渠而出大北一脈水遶蘭湖由賢關里穿城脚而出正南一

廣東攷古輯要

卷九

堤堰

一

脈水遶清風橋龍橋寺仙湖街而出小北一脈水自白雲來
由小北門合萬里橋水循天關而出此較古六渠之說尤為
明晰

甘溪 番禺縣寰宇記云交州刺史陸允所開一統志允以海
水鹹鹵導甘溪以給民用唐節度使盧鈞復加疏導南漢復
闢之為甘泉苑

越溪 縣境郡志宋末於粵秀山左堰越溪溉田今堰圯

福隆堤 東莞縣東宋元祐三年邑令李巖築以捍東江水患
護田九千八百餘頃紹興中邑令姚孝資重修嗣邑令范友
仁陳慶遠趙興邁相繼修之淳祐初邑令趙善鄒修舊堤萬
五千九百九十丈增西湖新堤一百八十五丈元大德間堤
潰二十餘丈達魯花赤甘卜縣尹鄧榮修復至正二年潰堤

三十五處七年縣令楊大舉修明洪武中差官修築正統六年縣丞周式董修宏治十七年復奉文修築後復屢潰屢修羊蹄壘 縣石岡石排窰尾等處明崇正十一年知縣汪運光築長一百九十五丈

牛過蔭堤 縣牛過蔭村宋寶祐間邑令楊公順築長三百丈護田二百餘頃歲久堤潰明永樂中鄉人賴茂貫等重築中建小石橋旱則灌潦則塞民甚賴之

西湖堤 縣西湖村宋淳祐元年邑令趙善鄆築長一百八十五丈

鹹潮堤 縣咸西獺步等處宋元祐四年邑令李巖築共十二條以禦海潮泛浸有碑存許公岩今亡

羅家陂 縣大林徑邊明成化間邑人羅時重修

廣東考古輯要

卷九

堤堰

二

王家渠 縣深溪山宋邑人王鼇石於山腰鑿渠引龍潭之水紆迴三十餘里至大汾頭灌田數十頃

白水塘 從化縣北宋時鑿廣六十餘畝

龍湫 縣北三十里禱雨輒應相傳投鐵於中須臾雲起雨至明梁文康公儲謂此湫可闢以溉禾遂鍤鑿接引灌城北一帶村田不下數千畝又迤邐而來環邑城濠附近池塘借以旱蓄潦洩邑人便之稱曰閣老圳云

張州堤 增城縣上都明成化間築長二千餘丈

天塘水 縣城西七十里濳洄灌田號天塘見輿地紀勝

爛泥陂 香山縣長江村明永樂二年縣丞彭與志築灌南洋等村田

落鞋陂 新會縣明洪武初鄉人共築灌田二十餘頃

天河橫江周郎三圍基 縣中樂都明萬曆三十八年知縣周思稷始築基嗣後屢有增修

大田圍 縣中樂都明萬曆十五年舉人廖文炳築以護大田十餘鄉灌田六百餘頃

竈岡堤 **三水**縣西北明嘉靖四十年知縣陶守訓築邑人鄧國寶有記

新生雙竇 縣南明宣德間侍御梁軫議奏立閘不果嘉靖十五年鄰邑李瑜題准修設

鎮南堤 縣南五里障田四十八頃元至元元年墟長陸忠築大路竇 縣南明萬曆二十六年墟長陸少荷修闢崇正十四

年水 邑令羅會同南海縣修築併立廟於堤上邑人彭懋淳有記

廣東考古輯要

卷九

堤堰

三

上圍堤 **清遠**縣東二十里靖定鄉爲峽山水冲壞明正德元年知縣岑璉砌堤嘉靖六年知縣洪子誠修

中圍堤 縣東明嘉靖元年知縣林良弼修築以禦連溪水患下圍堤 縣東五里有新基水患明宏治八年知縣蘇奎修築

韶州府

官堤 **樂昌**縣東北有水自西坑山峽中來南流通祿頃灌田百餘頃明洪武二年知縣索彥勝創築尋壞嘉靖二十五年同知胡瑞飭民建石堤後又屢圯屢修

惠州府

蘇公堤 **歸善**縣西湖之左宋紹聖三年蘇軾出所賜金錢築明萬曆四十八年巡按王命璿檄推官温國奇修築

北堤 縣境宋治平間知府陳偁創堤二百丈有奇旁植竹曰

竹徑堤中構石橋洩橫槎水嗣後屢有增修明楊起元有重修拱北堤記

南堤 縣境明宣德間知府陳顏修正德間知府方良節重修嘉靖戊辰推官方邦彥增築後潰旋修

鍾樓堤 縣境湖水穿城瀦洩明嘉靖中知府吳志增關下板閘萬厯中知府王時雨易以石崇三尺許令水常盈不涸

豐湖 縣西卽西湖宋治平間陳偁領州經畫築堤截水宋林俛豐湖集敘云湖之潤溉田數百頃葦藕蒲魚之利歲數萬民之取於湖者其施已豐故謂之豐湖又有鰲湖在豐湖之南闊四五里深倍之舊志西湖者豐鰲二湖之會也

東湖 縣西南與西湖並一名答子湖宋州守陳偁時歲旱教民以牛車汲水入東湖溉田

廣東考古輯要

卷九

堤堰

四

隨龍堤 博羅縣東連壙嶺南接浮砭長二百五十丈通行要路宋淳祐中築

學湖堤 縣東爲隨龍外堤明知縣馬顯明雷啟蟄等相繼修萬厯間大潰鄉副使曾舜漁修之

榕溪堤 縣南門外捍水東流明嘉靖間知縣經彥窠築石三十丈萬厯七年決參議李盛春檄修

蘇村堤 縣羅村都長六百丈當龍川之衝宋知縣王亘築元羅里敬甫復築明永樂二年知縣林和修正德中復修萬厯間知縣鄧以告築之乃堅

登山堤 縣仙福都泊頭村築之以過山溪之漲歲久壞明永樂間知縣冒祚復築

周堤 河源縣南明萬厯間知縣周炳捐築後又增築加厚湖

水永無泛溢

蘇堤 龍川縣 陂湖東蘇子由築元至順二年堤潰水乃西明萬曆六年知縣林廷植復築舊堤水從城濠東遶達江

柳塘 縣北周八十餘畝宋端平二年循州宋朱挺築引白雲岩水注之灌田三百餘畝四圍栽柳故名

陂湖 縣西北龍潭之水注焉周數里俗號陂塘宋端平初循守宋詡築堤壅水循隍竇以疏漲且溉堤下之田千餘畝元季堤潰湖涸明嘉靖二年韋郎憲修復

潮州府

北濠 海陽縣 城西二里卽宋時西湖慶元間知州林燾開浚三利溪 縣西導濠水過雲梯岡入揭陽縣界至楓口合揭陽港至潮陽界殆將百里而後入海三縣利之故名宋元祐間

廣東考古輯要

卷九

堤堰

五

知州王滌始濬明正統以後日就堙塞宏治五年知府周鵬復疏之李東陽陳獻章有記嘉靖後屢塞屢濬

中離溪 縣西南地達揭陽明嘉靖中邑人薛侃濬侃有記

北門堤 縣東明永樂宏治間潰知府雷春周鵬等修築

南門堤 縣境明正德中邑人御史楊瑛疏請權金修築陂以石

江東堤 縣南明正德間潰知府王源修築

王公溝 潮陽縣 直浦徑頭村故無泉汲者動經數里明宏治二年知縣王鑾諭民鑿溝引水入村長六百五十餘丈人便於汲田得灌漑

倉頭溝 縣直浦都舊有淡水廣四丈流長四十餘里後填築爲田水利遂絕田卒汗萊知縣王鑾開浚又增闢五丈復得

灌溉之利

通濟港 縣門關村卽康濟橋大港港故近海鹹鹵淹沒禾稻歉收汲者至十里外乃得泉明宏治二年知縣王鑾始築堤禦潮鑿溝通泉溉田三千餘畝人免遠汲因名通濟

黃公堤 縣北明隆慶辛未知縣黃一龍築人感其德因以名堤立有遺愛碑於堤上林大春爲記

玉窖溪 **揭陽**縣城內以縣治舊爲玉窖村故名外通南北二溪內旋繞縣署潑洄類宮日久漸爲民居侵填明宏治中知府葉元玉知縣王愷疏復萬曆三十一年復多侵佔知縣汪起鳳復請查濬治黃仕鳳爲記後又屢塞屢濬

洪溝堤 縣霖田都明洪武間都民朱廣奏築嘉靖六年主簿季本重修長十里餘障田地數百頃

廣東考古輯要

卷九

堤堰

六

陽公溪

饒平縣明周瑛記畧饒有溪發源自清遠元歌一帶

循東南行經縣至宣化都鳳岡入海自縣而下亂石錯出舊名石頭溪舟行至此皆負擔而陸民病之宏治乙卯邑宰楊公募民疏鑿凡兩月功成父老以爲不殊鄭公之鑿涇也名曰陽公溪公名宏字克寬廣西臨桂人

河口陂 縣北門社舊寨鄉灌田四百餘畝明崇正二年夏驟雨漂至決齧衝潰陂流遂堙旱魃屢虐荒原六載鄉人嗷嗷待命霖翁梁公憫之出資買沿河田浚爲渠以通水郭之奇爲之記

茆溪 **惠來**縣東源出黃岡山二十餘里經茆港會諸水入練江塘時架石梁三間跨之下可舟行茆溪居民數鄉洋田千頃賴無水患後爲潮陽豪家築梁而漁積至壅遏明萬曆二

十九年知縣方之矩判爲官溪有記

覽表渡溪 縣西南明時被豪民吳國觀科索水稅知縣林春秀判爲官溪萬曆十六年吳重光等告給種植芰荷三十四年刁軍伍仁冒爲已業知縣游之光判復官溪令吳重光供稅四錢僅許植荷護堤

透龍湖 縣西北周三十丈溉田數十頃明縣民李彥卿冒首專利嘉靖中知縣林春秀判復官湖年久縣民方彥佩將上下填塞爲田萬曆間知縣游之光查勘湖水出處無妨小民灌溉仍之

三川溪 澄海縣城內明萬曆初同知王懋中浚十三年知縣王嘉忠闢之建三石橋民便之稱橋曰王濟橋溪曰王濟溪濟海渠 縣西南卽鮑濟河胡嘉靖間翁萬達倡議疏鑿舟楫

廣東考古輯要

卷九

堤堰

七

便之萬達有記

南北二堤 縣境起橫隴而西經溝頭小湖心南界夏塘菊池紫林渡頭後溪仙人冠山上窖下窖抵南橋是爲南堤起橫隴東行經隴尾大湖心東林洪橋斗門石牌華富維舟亭抵東湖是爲北堤共一萬二百四十餘丈兩岸有石機三十二殺水勢以護堤堤內疏涵溝十六洩水於海自宋迄元明相繼修築

南溪洋堤 縣境東自外砂人家頭起經內隴東隴沈洲抵富砂東溪西自外砂犁頭宮起經下埔黃窖抵富砂港尾障田園池塘五千餘畝地窪下常苦水患明萬曆十八年砌堤東甃石水關一灰築水涵五西灰築水關一水涵一後知縣王嘉修於堤外無餘地處相其水勢灣割要害立磯頭十座以

爲捍禦

金砂堤 縣南明萬厯間郡丞王懋中捐築王性有記

新溪涵 縣西北冠隴鄉灌中外下外二都田涵外有洲園開溝寬一丈餘引水入涵明周宗禮有築南堤新涵記

肇慶府

水磯堤 **高要**縣東明洪武初築長三萬五千四百丈有奇捍田七百餘頃中爲石竇以殺水勢宣德間知府王瑩復飭培土一丈成化間知府黃瑜修嘉靖十九年洪潦潰竇知府袁載等照稅出錢補築萬厯四十二年堤決督府周嘉謨巡按田生金發帑委築區大倫爲記

新江堤 縣南明永樂初築周三千七百餘丈捍田五百餘頃內有七溝五竇十六年以後三決宣德四年決魚梁竇及堤

廣東考古輯要

卷九

堤堰

八

五十餘丈正統四年知府王瑩等令隨田出資於魚梁油麻上下河汾大埭五竇及湍水處布石萬五千六百丈萬厯四十二年西水漲潰知府戴熺飭民修築

欖江堤 縣東宋至道二年鄉人彭達雨等築高二尺周三千七百丈捍田百五十頃

的村堤 縣東捍田四百餘頃明天順間決知府黃瑜督民修築

大欖堤 縣東南捍田百頃明萬厯癸丑西潦冲決督府張明岡捐資修築

塘步堤 縣東元至正二年鄉人某築周三千七百餘丈

豐樂大圍堤 縣東明鄉人黃阿思等奏築後決成化中知府黃瑜宏治中同知張吉相繼督修萬厯中復決督府周嘉謨

侍御田生金知府戴熿捐修崇正三年又決知縣張明熙築復

金西堤 縣東宋至道中築周萬三千餘丈捍田千二百餘頃
范洲堤 縣東元至正十二年鄉人白得清等築周六千三百餘丈

羅鬱堤 縣東南元至正中築周三千一百丈捍田二百五十餘頃左有白石堤中爲北港通倉步後湮塞潮潦兩隔士民病之明萬曆十四年知府王泮豁虛糧鑿竇設閘通於江洩潦引潮名曰騰蛟後太守鄭一麟繼之興建外閘以港口魚埠一十一步入港爲遞年築堤浚竇開沙之用四十二年知府戴熿預佃魚埠十年增築護堤

橫柯堤 縣東宋乾道二年鄉人譚源輔等築明萬曆四十二

廣東考古輯要

卷九

堤堰

九

年堤決督府周嘉謨侍御田生金發帑五千兩修築原設有穴有官竇崇正四年知縣張明熙重修

大濱堤 縣東宋咸淳八年鄉人陸原等築

大興圍 **四會縣**明萬曆四十四年堤決知縣謝子詔修築次

年復築知府陳謨請於總督周嘉謨侍御田生金發帑大修

高路基 縣大興圍內明永樂十一年知縣顏寶修築

黃村基 縣隆湖都明萬曆十七年決知縣黃應元修築二十

一年再決知縣陳一元詳請發帑修築

姚沙圍 縣貞山都明萬曆三十一年決知縣陳一元修築三十五年復決知縣彭名世重修

湖桐基 縣貞山都明景泰中知縣楊煥督民建築

隆伏基 縣隆伏都長五丈明洪武間鄉民黃珏等築正德

間知縣方選重築

牛牯基 縣大甫都明萬曆三十三年知縣彭名世重築

羅馬陂 新興縣東明洪武五年鄉人陳有保築

觀登陂 縣東明洪武三年鄉人梁子斌築

馬港陂 縣南漑田百餘頃元至正間鄉人陳文廣築

赤子城陂 縣南明正統五年知縣雷晏築漑田百餘頃源自

白蟾坑從西門入城折而北出成化間砌新城填截水道乃

於洗河築陂開溝南濠通井斜達北郭隆慶戊辰以陂水界

斷地脈又於東方開溝引洗河水自南而東而北合故道漑

田如故

雲區陂 縣北明洪武間築漑田六十餘頃

大沙堤 高明縣東元至正間築明永樂間堤長鄧德達按田

廣東考古輯要

卷九

堤堰

十

斂貲買石砌竇宣德間又開竇二穴

停步堤 縣東明成化中築石竇二穴嘉靖間崩旋築復

小零堤 縣東元至正中築周九百餘丈捍田八十餘頃

白鶴堤 縣東周千八百餘丈捍田七十餘頃嘉靖間決萬曆

中督院許公修築

石奇堤 縣東一名秀麗堤元至正中築周二千五百餘丈大

石竇六穴引水灌田二穴疏通水利明時以歷年衝去圍外

沙田及遞年築圍挖土成湖水中所產魚苗利爲整堤費用

至萬曆間堤基漸低督府周嘉謨等發帑修築

南岸堤 縣東元至正間鄉人築周五百餘丈石竇穴三

東坑堤 縣東原名大岸堤元至正間鄉人築

佛凹堤 縣東南二十五里三洲圍內十三村屢被水患明崇

正十年合衆築塞佛凹基潦患遂絕

羅塘陂 縣東南明永樂間鄉民築鑿石爲圳後決旋築復

金釵陂 縣楊梅都相傳隨馮家白氏捐金釵創築故名

雲巖陂 縣文儲一都元至正間版村鄉民築

水母塘 開建縣北廣十餘畝源出雁山南流五里入塘又自

塘築渠以灌城濠明天順三年浚

坡亭大水圍 鶴山縣坡山村卽古勞大圍明洪武二十七年

鄉人梁文善等赴告工部差官劉永旋修築溉田二十三頃

越塘圓洲圍 縣古勞都明洪武二十三年工部差員興築溉

田五十三頃中有小基上越塘下圓洲

澤沛陂 縣附城大岡圍宋季林夢良倡築溉田二百餘頃

橫坑陂 縣附城十九圍元初梁虎暹倡鄉人築

廣東考古輯要

卷九

堤堰

十一

郭塘陂 縣附城都山華村明萬曆三年築

廉州府

羅城江 合浦縣源自大江分派其江北岸高南岸下明宏治

初知府劉烜見其土沃廣可田乃累石壩於江中橫截水道

灌墾爲田招民耕種興忠里之民至今利之

陳調白沙江 縣東北源出那東江西流入石康大江明嘉靖

十五年知府張岳令民築壩十五丈截流灌田數百畝

鍾灣水 縣南相傳宋政和中鍾與龍開因名

平樂陂 縣平樂鄉明洪武初築灌田四百畝

鼓塘陂 縣東明成化間石康知縣羅紳捐資築

雷州府

海堤 海康縣在縣北爲北堤綿亘萬二千一百五十二丈水

閘三十九所在縣南爲南堤綿亘萬三百四十四丈水閘六十所宋紹興間胡簿沿海建築近郭東南萬頃洋田及居民廬舍始免颶風鹹潮之患乾道五年知軍事戴之邵於胡簿堤外增築高廣倍前盡包濱海斥鹵之地墾田數百頃名曰陳言因陳氏建言而成也其後提刑張琮通判趙希呂知軍事薛直夫孟安仁元宣慰使張溫相繼修築明洪武四年同知余麟知縣陳本遂溪知縣王淵協議修堤南堤以千字文分號北堤以二十八宿分號成化八年颶風壞堤知府黃瑜委築尋崩知府魏瀚繼築正德十年又圯知府王秉良增築嘉靖元年知府易綦復於北堤上添作一堤以六藝禮樂射御書數八字分號下接角字堤又於南堤之東霜字堤下接築一堤以金生麗水玉出六字爲號各置水閘壬子六月颶

風大作潮水泛漲漂没千餘家知府羅一鶚調三縣人夫修築隆慶庚午年堤崩知府唐汝迪修補並移築張字堤基萬曆十六十八二年颶風連作兩洋居民蕩析殆盡田悉荒廢知府林廷陞委修嗣後屢有修築

護城堤 縣東北卽土龍河西一帶大長堤明嘉靖二十一年巡按蔡經相城東北薄海空濶議築堤以衛之長七百餘丈高八尺積稅二十五畝給官價銀七十餘兩其稅用開墾別稅補之

西湖堤 縣西宋紹興間知軍事何庾築堤以瀦羅湖之水建東西二石閘乾道間知軍事戴之邵重修明嘉靖間知府楊表黃行可相繼修築至萬曆間西閘爲水衝決署府事戴嘉猷重修伐石砌閘後知府林恕又築新堤開五閘今堤圯已

久

何公渠 縣西有二渠皆宋紹興二十八年郡守何庾開浚一自西湖西開引水由西山南流灌白沙田一自西湖東開直下南亭橫逕通濟橋而注之東漑縣東萬頃洋田

戴公渠 縣境有二渠皆宋乾道五年郡守戴之邵鑿一以特侶渠近山易湮於渠東四百二十步別開一渠導流而南會張熟塘水至東橋與西湖渠水合長二千七百六十丈沿渠築堤瀦水堤置八橋開八渠以分灌溉各長一千八百丈東建萬頃閘拒水南啟南亭閘洩水塘堤建六閘開二十四渠以沃東北上游之田各長一千二百丈凡渠首尾悉爲閘以出納一以爲南亭渠閘湮廢不復東流於西湖東鑿渠引水入城與東渠水合灌附郭高壤田委流至東橋合特侶水灌

廣東考古輯要

卷九

堤堰

十三

東洋長四百二十丈俱砌以石明天順正德萬曆間皆相繼修

那耶陂 縣西南宋寶祐四年知軍事孟安仁始爲塘明洪武八年通判李希祖易爲陂建閘灌麻蛇洋田二十八年主簿鄭伯高修築

象骨陂 縣西宋咸淳間爲塘明洪武三年知縣陳本易爲陂灌田四頃

那崔陂 縣西宋治平四年鄉人顏同翁始爲塘後廢明洪武十八年知府秦時中復爲陂灌調爽等處田

徒林陂 縣西宋治平間開築爲塘後廢明洪武三年知縣陳本改爲陂灌田如故

那多末陂 縣西宋元符間鄉民開爲塘元季廢明洪武三年

陳本改爲陂二十八年主簿鄭伯高重築

曹家陂 縣東南明永樂四年通判張楫建石橋開沿舊渠引水自本村至邁特官路西長七十丈正德九年知府王秉良拆其石移砌戴渠今開廢渠存

石奇陂 縣西宋寶祐四年知軍事孟安仁開築明洪武中通判李希祖正德十年知府王秉良相繼濬修今廢爲田而源泉湧出灌溉如故

椰子塘 縣西南宋寶祐間知軍事孟安仁開築周廣六十餘畝明洪武十八年知府秦時中重築

赤泥堰 縣西明天順間鄉民築引水灌赤泥顏沙等田

古州塘 遂溪縣南古州村宋知軍事俞冷築明洪武十二年知縣王淵重修

廣東考古輯要

卷九

堤堰

十四

張熟塘 縣南宋何庾開築廣四十畝其流通萬頃開渠俱灌東洋田明洪武間縣丞薛成玉重築歲久開廢嘉靖間民買爲田郡人張一珙贖還爲塘因名張贖塘今又廢爲田

都典塘 縣南元時開築明洪武中縣丞薛成玉重修

曾古塘 縣北明洪武間知縣張昭築又縣南有調離塘亦張昭築

特侶渠 縣境宋郡守何庾開浚導特侶渠水灌東洋田四千頃下流與西湖水合亦名何公渠明萬曆三十年推官高羅

岳添石砌浚 按通志載明永樂間僉事王泰上疏言宋寇準於雷州開渠引特侶塘水灌東洋田萬頃勝國元帥府以兵守閘並令掌扃鑄以時啟閉歲屢有秋據此則特侶渠菜公實首營之不自何庾始也

都賀陂 縣南元知縣都賀築明洪武間縣丞薛成玉重修

石門塘 徐聞縣西石門嶺頂久圯明嘉靖三十八年邑人鍾

世盛捐銀築堤修復

麻練陂 縣南明洪武三年知縣武亮築

清水堰閘 縣西南明洪武十八年海康御史黃惟一奏築

清水官堰 縣東南明宏治二年海北道傅某飭築設塘甲塘

長優免差役巡守溉田

瓊州府

巖塘陂 瓊山縣東南高山間巖塘原湧宋端平間鄉人於塘

門築石砌陂爲堤堰延袤二百餘丈分流爲二派溉田各數

百頃

度靈塘 縣南宋開寶八年知瓊州李易上言州南五里有度

靈塘開修渠堰溉水田二十餘頃居民賴之見宋史河渠志

祥塘 澄邁縣東宋時鄉人築堤堰水溉田元至正間里人陳

廣東考古輯要

卷九

堤堰

十五

武敵用石修砌明正德間鄉人陳政修築爲塘鄭稽爲記

買釵溪 定安縣東源出自沙岡流經買釵村舊淤明成化甲

辰乙巳間大雨水湧開流溉田三頃餘

西關堤 會同縣明萬曆癸卯知縣盧章修築尙書王宏海爲

記

雄靈陂 樂會縣東南明初築閘壩外捍正統五年知縣曹梅

修之今潰

密澤陂 縣境一名蓮陂近龍滾河鹹水從港而入農人苦之

明時尙首王觀泰集衆築壩又墾荒原數頃旱則引水灌之

嘉靖三十一年修築

湍州陂 儋州東有水汛流元末酋長陳荐觀通洩於大江明

宜倫縣丞何曙修築堤防溉零春天堂等田

崔公河 昌化縣南明嘉靖八年指揮崔瀛率民開擴接昌江導之順流居民利之

高村陂 崖州東舊有大河湮塞明成化八年判官何琛疏築都陂 州東北明正統二年主簿梁正修後崩宏治元年知州林鐸築復

抱架溝 州西南海濱廣漠旱不能耕明宏治二年知州林鐸築溝引千家山河水溉之

陽江廳

麻濠堤 廳西南明正德八年參政黃容築蓄水護城嘉靖二十五年知縣吳煥章砌石萬曆八年再築

北宿堤 廳西南明洪武初邑人關文彬等築

連山廳

廣東考古輯要

卷九

堤堰

十六

觀陂 在半里舖前高九尺廣二丈五尺宋嘉定三年鄉人唐海築元末頽廢明洪武元年鄉民莫德全修復旋復壞永樂元年唐子英等乃築復完固

鷺岡陂 城北宋政和七年鄉民唐必興築元末廢明洪武初唐思春等修築

官陂 城北元至治二年鄉人石德叟築元末廢明洪武初石楚英築復

連州

龍腹陂 在龍口村相傳東漢有袁氏兄弟三人築

水障 陽山縣明萬曆三年趙文正築長百餘丈以護城垣

羅定州

東圳西圳 西甯縣明萬曆十四年知縣林致禮開築溉田百

餘頃

南雄州

凌陂 州西北宋縣令凌皓築溉田二千餘畝民德之故名

連陂 州西宋知州連希覺開溉田千餘畝民德之故名

葉陂 州北明洪武三年知府葉景龍開

珪塘陂楊凹陂澗頭陂 俱在城東百里明永樂間築嘉靖壬

午鄉民呈請夏秋築水溉田冬春通流行舟隆慶間知府林

應節立碑著令

河堤 **始興**縣城南明嘉靖元年知縣高輔以水勢冲城申詳

修築

豐陂 縣東明洪武間知縣王起重如修築

蓮塘 縣北明知縣王起開築廣三畝溉田四十餘畝

廣東考古輯要

卷九

堤堰

十七

嘉應州

新菴塘 在莆心鄉人明御史廖睿創築塘堤作陂疏圳分溉

莆心楊古狀白土三鄉田三十五頃餘塘廣千一百五十丈

程鄉知縣高彥登勒石以杜私墾莆心鄉人修圳免役

鹹水坑塘 在丙村堡共塘二十二口明萬曆八年鄉人議春

季塞十一口秋季塞十一口放水溉田四百餘頃

五官塘 在畚坑堡明正德時鄉人申范郭賴羅五姓共置蓄

水溉東南沿一帶田三千餘畝

官陂 在松口官坪明正德三年余璘創築

馬路堤 **興甯**縣明崇正八年知縣劉祚熙築

烏陂 **長樂**縣城東溉田六百畝明嘉靖初僉事施儒惡其溪

與治背乃道之西流百餘步出新河橋入河

梯雲嶺圳東湖圳

平遠縣俱明萬曆四十六年知縣李允懋

濬今湮

欽州

境口壩 州城南明正德間知州李純築以障欽洪水先是孟

涌村決數百畝田俱荒自築壩田可耕

